

揭曼碩詩集

一

據中國國家圖書館藏元至
元六年日新堂刻本影印原
書版框高二十·七釐米寬
十三·三釐米



揭曼碩詩目錄

至元庚辰季春日新堂印行

卷之一

臨川文

夏五月武昌舟中觸目

張君壽先生鵠山隱居

送趙履道虞林常還江右

寄頭九江義門陳氏壽安堂

正月十二日尋廬學士船至漢口留詩為

別

黃莘師高軒觀鷺因留宿

衡山縣晚渡

頭王山仲所藏瀟湘八景圖卷走筆作八

以事輟如武昌發臨川

女兒浦歌

送尹十六善叟謁告歸茶陵會整賢兄處

士十韻

送黃五舅得武陵校官還辰州寓居省侍

貧交行

曉坐張先生朝陽軒

別武昌

南康夜泊聞廬阜鐘聲

春日雜言十首

夢兩雖

夢武昌

遊麻姑山五首

廬學士奉 旨南祀海嶽絲鍾陵相別聞

尚留會稽有懷奉寄

病夜

得程翰林揚州消息

歸故園新居落成後作

山行

寄顯馮掾東臯園亭

宿平安峽夢故室有感時還盱江

送趙仲遠赴甌寧

山莊晚立有懷舍姪沈愔獲臨川

笑王十良仲

兩述三篇

春莫間居寄城西程漢翁十五韻

長風沙夜泊

何郎失鏡詞

贈青城侯尊師次人韻

贈文

曉出順承門有懷太虛

京城閑居雜言八首

去婦詞

四友詩

賦雙陸

泊安慶時再北游

漁父

高郵城

濟州初度

揚柳青謠

雜詩四首寄彭通復

栢堂詩

卷之二

詩

獻張平章

題沈道士龍湫山先天觀圖

二真詩

史館獨坐

周待制致樂堂詩

馬氏巖溪岳

山水看

送道士薛玄卿歸江東

大明殿退朝和周待制

祖生詩

孤雌行為鄜城節婦作

燕氏救兄詩

送華尊師以天壽節奉詔祀武當

送馬雍古泐史撫喻河西

送周山人之遼東

李宮人琵琶引

題上都崇真宮陳真人屋壁李學士所畫

墨竹芝華作

集賢大學士趙國公王開府慶八十應

制

陵陽牟景陽以名祖父之子孫負奇材勁

氣而與世林擲自台州教授入掾翰林

一語不合竟棄去不顧以詩為別

結羊腸詞

劉承首父大司徒邢國公慶九十應制
小孤山次韻

贈別曾編脩歸廬陵莖學士兄

寄題臨川西澗范氏寓居

尋舍弟將至東牢宿野店

贈王郎

沈逸人東觀招飲山館

董鴨

題聶氏陶軒

送涂雲章訪舊武昌卻入京師

歸舟

小孤山曉發和蔡思敬韻

大信晚泊呈舟中諸公

白揚河看月

歌風臺和李投舉韻

題嚴陵獨釣畵

題馮鼎食瓜畵

信州僊源觀徐尊師乃玄教大宗師張

顯府之弟子也

送蔡思敬還豫章有懷遼陽李提舉

孔林面詩

壽樂山詩一首為真人吳公生朝作壽

山井里山名

壽王副樞

李將軍歌一首送李天民赴邵武軍口也
檢

題柝源面

送人歸豫章

送王留守宣慰荆湖

題張尊師畫

目錄

送播州楊宣慰歸藩

六

寄題括蒼王氏東野二亭

畊雨 心遠

寒夜作

送唐尊師祠武當

送詹尊師歸廬山

贈溥真子

孤松篇壽王大學士

過何得之故居五首

送譚仲章歸長沙

我我亭詩

送鄭司獄歸衢州却赴調京師

題山水

題御馬圖

題山輝圖為劉尊師作

題臨江同知閻流民事蹟

寄題朱氏真村堂

送人從軍

題淵明歸去來圖

卷之三

詩

題明皇出遊圖應制

詩卷

白翎雀

寄題胡氏園趣亭

題文瑞圖

題南潁孔氏復明詩卷

奉同柯博士甘內掾下直賦

賦得海上雲送良上人歸徑山

吳子高悼亡歸岳陽

秋夜作

進士張于高得邛州判歸成都

題陶淵明歸興高

寄題傳尊師兄弟所作寧壽道院

二月朔日雪中題歐陽少監所藏宋好古

畫竹

雲錦溪棹歌七首

目錄

八

御書雪林二字賜趙中丞應制

題胡虔汲水蕃部圖應制

題辛澄蓮華觀音像應制

杜節婦詩

題內府畫四首應制

韓滉土星侯曹將軍下槽馬圖

韓幹馬宋徽宗成平殿曲宴蔡京圖

送秘書李道濟赴興州幕

奉送令平章赴江西

題青山白雲圖

桃華鸚鵡

趙孝子

入秦淮和曾脩

送陰陽蕭教授赴瀏陽

賦得春鴈送張郎中省覲揚州

送聶太祝赴潮州錄事

題俞氏看雨軒

題江道士清虛館

賦得吳歌送人歸吳中

目錄終



揭曼碩詩集卷之一

門生前進士變理溥化校錄

臨川女

我本朱氏女住在臨川城家世事趙氏業惟食農
耕五歲父乃死天復令我盲莫知朝與昏所休毋
與兄毋兄日困窮何以資我身一朝聞密言與盲
出東門阿母送我出阿兄抱我行不見所向途但
聞風雨聲行行五里餘忽有呼兄名兄乃棄我走
客前撫我言我與趙世親復與汝居鄰聞汝即赴
死扶服到河濱我身盡沾濡不復知我身汝但與

我歸養汝不記年涔涔遵旋路咽咽還入城城中
盡驚問戚促不能言望門喚易衣恐我身致患再
呼我母來汝勿憂飢寒汝但與盲居保汝母女全
我母為之泣我鄰為之歎喜我生來歸疑我能再
明況得與母居不異吾父存我今已十三溫飽兩
無營我母幸康彊不知兄何行我母本慈愛我兄
亦艱勤所驅病與貧遂使移中情當日不知死今
日豈料生我死何足憾我生何足榮所恨天地生
不如主翁仁誰能為此德婁公名起莘

夏五月武昌舟中觸目

兩髯背立鳴雙擗，短策開合滄江。兩青山如龍入雲去，白髮何人並沙語。船頭放歌船尾和，篷上雨鳴篷下坐。推篷不省是何鄉，但見雙雙白鷗過。

張君壽先生鵲山隱居

當日自期顏杲卿，莫年羞見魯諸生。膝兼多病終難屈，身為長愁視轉輕。日晏典衣留客醉，雨餘閉戶看兒耕。淮雲楚樹晴如掃，卧送年年江水聲。

送趙履道虞淑常還江右

趙子我同里，虞郎我同年。手折武昌柳，送上西江船。買魚沽酒燒荻鞭，夜下西塞寒山前。西塞山碧

詩一

二

如苔，君今去幾時。來東風花開，春水漲待君黃鸝。機頭望君庾公樓上。

寄題九江義門陳氏壽安堂

匡廬之陰，鼂蟲涯七百餘載，真良家。宋謝書表其門曰真良家。

冲和鬱勃吹不散，飛落南山萱草花。往時冠蓋如流水，撞鐘鼎食三萬指。詔書十度復，租庸每歲朝。廷仍貸米，父慈子孝，則四方紀淨，綱明照閭里。蓬萊水淺，昆明空天，開地闢元氣，通張公百忍澤。未竭王母千年桃，始紅南山築堂三百步。翠竹屯雲，森玉樹，忠厚必有神明扶。淳樸自蔓，期頤具方瞳。

綠鬢紅氍毹春酒搖蕩香扶疎公侯子孫始必復
日為大夫人起居

正月十二日尋廬學士船至漢口留詩為別
晴江澹微瀾曳雲在曾巖參差連舫出散漫羣
鷗遠始知遵漢廣送睇高旆卷懷賢每忘賤臨流
亦忘蹇蒼茫景將入窈眇春猶淺新知遽相違餘
情何由展

黃尊師高軒觀鷺因留宿

開軒南嶽下世事未曾聞落葉常疑兩方池半是
雲偶尋騎鶴侶來此看鵝羣一夜潺湲裏秋光得

細分

衡山縣曉渡

古縣依江次輕輿落岸隈鳥銜行客過山向野船
閑近巖皆雲氣中流忽雨來何時還到此明月照
沿洄

題王山仲所藏瀟湘八景圖卷走筆作

瀟湘夜雨

泚泚暗江樹荒荒楚天路穩繫渡頭船莫放流下
去

遠浦帆歸

冥冥何處來小樓江上開長恨風帆色日日誤郎

煙寺晚鐘

朝送山僧去莫喚山僧歸相喚復相送山露濕人衣

洞庭秋月

潁氣自澄穆碧波還蕩漾應有凌風人吹笛君山上

平波落鴈

天寒關塞遠水落洲渚闊已逐夕陽低還向黃蘆

沒

漁村晚照

定從海底出且向平沙照漁網未全收漁舟還下釣

山市晴嵐

近樹叢差出行人取次多板橋雙路口此世幾迴過

江天暮雪

孤舟三日住不見有人家昏昏竹籬處卻恐是梅

以事輟如武昌發臨川

江轉欲無路山迴忽似圍客程秋共遠物色晚多
疑稍稍沙鷗集忽忽野封稀武昌今夜夢定有故
人知

女兒浦歌

女兒浦前湖水流女兒浦前過湖舟湖中日日多
風浪湖邊人人還白頭
大孤山前女兒灣大孤山下浪如山山前日日風
和雨山下舟船自往還

送尹十六善叟謁告歸茶陵會葬贛兄處士

卷一

五

十韻

八歲穎賢兄未埋猶望生旋聞日下莖敢戀世間
榮得告如無及嚴期况有程意長看路短義重覺
身輕鄉封迎船出江雲入莫橫望山占驛堠聽瀉
作城更但使能臨穴猶堪略尉情死生今古異去
任別離并尚足疇知己非貪美俗評忽忽不可盡
迴首各沾纓

送黃五舅得武陵校官還辰州寓居省侍

寧上山頭種禾黍莫向他鄉作羈旅山田得雨尚
有年他鄉顛顛何人憐一身千里家何在全家更

在沅湘外獨對雞鳴楓葉飛荒村鴈沒蘆花碎親
在窮邊望子還子在長途衣復單居無寸田出無
僕明年作儲官當食祿

貧交行

驅車涉廣川揚帆陟崇丘結交四海內中道多愆
尤朔風厲苦節獨鶴橫九州朝拂三島樹夕過五
城樓兩翅偶寒影曠然何所求登高臨大江日莫
萬里溘時哉疏鑿人八年忘外留出必益糶俱歸
與變龍儔進退兩不疑功成垂千秋萬事日相攸
恩情若雲浮吾心苟不渝反覆安足仇自非天地
外何能獨忘憂

卷

少

曉坐張先生朝陽軒

間朝日照高樹幽人方啓關蕭索塵外事風葉滿窻

別武昌

欲歸常恨遲將行反愁遽殘年念骨肉久客多親
故行立望江波江波正東注

南康夜泊聞蘆阜鐘聲

廬山三百寺何處扣曾雲宿鳥月中起歸人湖上
聞入空應更迥近瀑正難多遙想諸僧定香爐上

夕薰

春日雜言七首

日月朝朝新何物能濁久常恐天與地變化忽已
朽東風闖然來茫茫浩無首起視桃李對暎豔一
非舊如何揚子雲泯默空自守

朝出城西門孤墳何寥隆
惟狐竄其西脩蛇出其
東云昔有狂士七尺才且
惟平生無所賴屠狗涉
春冬一朝際風塵身貴位
益崇死生好惡間吐喙
坐秋風氣驕日憑陵家國
兩蒿蓬子孫分散盡空
有牛羊蹤

幕廳楊柳枝蒙茸春草齊
天天誰家婦采桑臨路
岐零露沾其裳蛛絲卷其
衣對高身苦弱蠶飢行
復遲辛苦事姑嫜宿昔減
容輝見者皆歎息此心
知獨誰良人日暮至醉問
爾何為

啁啾田間雀喙喙常不給
春水日已深細羅復相
及既無養生具日夕湯火
急多謝雲間禽無為自
羈繫

祝融九千丈瀟湘地窟流
洶湧洞庭野崩騰江漢
秋上有飛仙人身披紫雲
裘昔者嘗相遇縹若乘
丹立同歌黃鶴渚共醉兵
陽樓思之忽不見獨立

悵悠悠

我有琅玕草欲贈江東客出門道路長卷袂空歎
息靈苗世所尚良士余所惜神仙無千年耿耿誰
復識

五歲能讀書十歲能賦詩十五事遠遊三十無所
為既乖俯仰責復為鄰里欺生計日已蹙世態多
瑕疵煌煌金張門徒隸皆光輝日晏賓客集軒車
如風馳一咲擲千金片言委黃泥齊生獨抱瑟來
往何逶迤

夢兩錐

阿英十二能辟纆阿牛五歲貪讀書辟纆成縷無
人織讀書有志令人惜汝父飄零汝母休吾親雖
健俱白頭兩聲斷道風驚屋阿婆獨抱諸孫笑

夢武昌

黃鶴樓前鸚鵡洲夢中渾似昔時遊蒼山斜入三
湘路落日平鋪七澤流鼓角沉雄遙動地帆檣高
下亂維舟故人雖在多分散獨向菊池看白鷗

遊麻姑山五首并序

湖北憲使程公間居盱上二年矣五月二十日
詔拜翰林學士又十日公與使者及諸客同遊麻

姑山輒以覽懸所止賦詩五首

雲關

君子荷初服恩至若無榮穆穆芳雨散悠悠蒼山
行危關擁霧黑飛術綠雲青苔蘚滑如積杉松宵
冥冥時逢負苓翁忽聞流水聲舉足向益高矯然
欲遐征徒錄各忘倦矧彼高人情

飛練亭

神工擲天紳挂之兩崖間萬古輸不盡誰能測其
端勢割山石愁氣挾草木寒安得天風吹繫彼日
月還麻姑綠雲髮黝黝長不殘

湧雪亭

泉源出地窟仰向雲中行擘崖瀉千丈亂石皆騰
擢風霆日夜急雨雪虛空明不有神物扶茲山應
久傾噴薄側飛鳥研鉤愁百靈仙家信為好喧聒
何由平

三峽橋

兩山東飛橋下壑不測淵誰開萬尋鐵逗此無窮
泉淙淙輒輒空曲洶洶投奔川陽光下照之忽作龍
騰天常恐棄田壘中有瞿唐船

麻姑壇

嗟峨仙都觀，遙望丹霞天。後有千歲松，前有百頃田。
田風日夏颯，飄烟雲畫苾。芊羣萃一時，集安知非列。
仙持觴，起相醕。罷琴抗高言，天道信悠邈。人情何拘擊，
靈君不可致。落景詎少延，仰雖慙冥冥。俯實憂元元，
主人願坐客。此中可忘年。

盧學士奉

首南祀海嶽，繇鍾陵相別聞尚

宿苗曾稽有懷奉寄

鍾陵一分手，幾日過錢唐。五月山陰路，千峰海上涼。
烟霞含景氣，草木識天香。夙昔經行處，風深轉不忘。

病夜

素壁深窻，獨客身。枕枝董膝，只為鄰。極慙供給煩。
賢友尚恐傳聞及，老親蒼鬢戒寒相。應起燭花連夜為誰新，
多情造物真豪縱。盡力相驅病與貧。

得程翰林揚州消息

皇明屬休期，側席佇貞良。游麟既集藪，鳴鳳亦在岡。
君子乘時興，出餞何輝光。車馬塞江介，笳鼓凝羽觴。
時秋風雨交，四顧野茫茫。晨鉦激中流，飛翮忽異方。
蓄思遵旋軌，浮雲紉北翔。道路間邦畿，草木墮寒霜。
晷景愴易流，悲來但惘惘。君懷經綸憂。

余負疾妨騫沉園異趣情誼結中腸居下衆所
夷在賤誰不忘宛緬廣陵翰胡獨置我傷鬱悒增
愁思投袂睇莽蒼自顧匪茅茹委跡任空墻淵淵
賢達心恨恨情內傷

歸故園新居落成後作

親老身仍苦家貧歲更凶掄材斤斧後發地草萊
中面勢看前跡歡呼集衆切聊存今日意敢望昔
時同

漂轉何多歲艱難且定居隣人供菜菓擇子進詩
書稍覺牛羊遠無知蔓草除此園三百載亦復返

吾初

山行

稍出羣山復涉溪溪光山色冷相輝青裾獨照溪
邊石不顧行人自濯衣

寄頭馮掾東臯園亭

時雨散繁綠綺風滿平原興言慕君子退食在丘
園出應當世務入詠幽人言池流澹無聲畦蔭蔚
蔥羊高林麗陽景羣山若浮烟好鳥應候鳴新音
和且闕時與文士俱消採農圃春理達自知簡情
忘可避宣庶云保貞和歲暮委周旋

宿梁安峽夢故室有感時還盱江

梁安峽裏杜鵑啼絕壁蒼蒼北斗位雲氣倒連山
影合石稜斜闔浪聲齊南風盡日迎歸客落月空
江夢故裏一室十人分數郡百年幾處候晨雞

送趙仲遠赴甌寧

仍為今尹去如送武夷仙舊政閩人說新詩海客
傳度關風撤暑下瀨月依船不棄循良意因知幕
府賢

山莊晚立有懷舍姪沉哲獲臨川

藪藪黃乘葉蒼蒼白竹峯居人爭野唯歸客背村

今卷一

十一

鐘路暗綠溪濕山寒着霧濃阿咸收稻未辛苦關
相從

笑王十良仲

深谷可為陵大海可為田唯有死者窮無由覩青
天千古黃壤間萬古黃泉下精神與時息形質隨
日化日落朝復生月缺望已盈不知死者別何時
見形聲悲哉復悲哉已矣復已矣我友初五人今
焉忽成四死者不復見生者長別離人生如春花
美好知幾何欲為生者歡復念死者苦死生日相

尋歡樂如薰也

雨述三篇

江南鴈月天未雪居者單衣行苦熱連山郡邑瘡
盡行豈獨領南與閩越逋民穰穰度閩山十人不
見一人還明知地惡去未已可憐生死相追攀
近聞閩中瘴大作不聞村原與城郭全家十口一
朝空忍飢種稻無人穫共言海上列城好地冷風
清若蓬島不見前年東海頭一夜潮來跡如掃
冬來一晴四十日三日南風當有雪不知閩領今
何如念我故人書斷絕劍南判官心所親甌寧大
夫政有神厲儒多事浪憂喜安得貽書兩故人

春莫間居寄城西程漢翁十五韻

迢迢曾城阿峩峩鳳皇山下有隱淪士能為淮漢
言兩日一寓音五日一承顏每談經濟事恒及離
亂間言辭多恍惚文字少凋殘不歎東逝川但憶
南山田寧與無心遊不受衆目憐褰衣必峻嶢散
步亦名園舒卷信在襟蕭森固所安經春瘡疾痲
撫時增懦孱尋羣書亂藥裹高卧掩荆關蹇余屬久
要朝誦常暮還醜劣愧高情焉知君所觀日出衆
鳥語蒼岑滿樓端申章寫深誼謏薄何由宣

長風沙夜泊

長風沙風沙不斷行人嗟行人嗟奈君何南風正
高北風起大船初灣小船喜移船更近大船頭不
獨風沙夜可憂但祝行人好心事長江何處是安
流茅屋叅差數株柳時平尚置官軍守青裙老嫗
說鮮魚白髮殘兵賣私酒魚賤可買酒可沽他人
心事知何如

何郎失鏡詞

團團如月不曾虧家人親置枕中時朝朝將正頭
上幘時時携鑷鬢豔然古文宛轉何人造失來始
覺今難討街頭不直半緡錢古銅終較今銅好向
人不敢再三尋客裏空疑同舍心萬里相隨一朝
別夜夜還瞻天上月

贈青城侯尊師次人韻

聞說名山采藥蹤多從雲去少人逢蜀江春老歸
難定燕谷寒來聖轉濃案上僊經新長蠹匣中雄
劍奮降龍不知少日尋真處還在青城第幾峰

贈友

天道有恆運君子縮其常時物自熙洽庶心亦惟
康鄙人慮慮思殊氣冒陰陽霜霰中夏零焉得不
摧傷先聖有遺訓孟氣戒方剛懿彼老氏言香齒

示存亡反躬寔明哲觀色屢迴翔正德謚云割萃
欲乃非祥妬靄壘空明不足掄景光勿謂徑寸垂
不足載春芳推餘暨昏朝懷我安能忘

曉出順承門有懷大虛

步出城南門張望江南路前日風雪中故人從此
去

京城間居襟言八首

都城列萬雉樓觀竝飛霞太液深蕩涵廣寒高差
戩重譯踰萬國流聲竟四遐既寵現異才復保勛
舊家忠厚跋行葦明照徹羲城永惟

寺一

十五

皇上德世世嚴亨嘉

冀北多良馬漁陽多壯士馬休伏槽櫪壯士習農
器棄棄竟中州朝貢四方至外無烽燧警內有耳
日寄消搖放良時歡樂永不替

濟濟從臣內共共公與侯伊昔從我 皇守過瀚

海頭荷戈十餘載力戰如已憂寸荼無遺用長智
少淹留勞多必重賞功大靡輕酬意氣相傾動息
深身若浮 天子乘六龍垂衣臨九州茅土亘河
山甲第隘莊馗四海仰光耀出入擁華駟富貴燄
如此寵祿信難伴役軍亦云苦眷言享斯立

朝從獵城南暮從獵城北白馬喻飛翰輕裘如膏
澤塵起知獸駭風高驗鳥疾隻箭落雙鶩千金出
俄刻歸來拜息寵樂飲過一石僮奴增意氣賓客
改顏色常恐文達士輕薄多瑕璲高門臨廣衢秋
風上荊棘

朔土高且厚民勁而彊榆柳雖弱質生植益繁
昌樵李大於卷棗栗充餼糧誰謂苦寒地百物莫
得傷青青雲夢竹宿昔傲雪霜移植於此庭不如
芥與楊竹性豈有改由來非本鄉

眇眇寒門士客途困臺城上無公卿故下無舊友
朋裘褐不自得

笑聲日

道

營營四顧我診餘但聞號
軒冕榮節食慎所欲聊以

厚我生

高

親同室不相喻矧彼途路

人

真共美為善樂莫知與

善鄰

已謂貽子孫一言易為義一息

易為仁

叟何以尉心神

哀人驚野草日疫委鮮腴嗟哉白楊耐高高凌玄
盧朝遊車馬中夕息思故廬塵衿難為絜野性非
京都貧賤不自保焉能懲替裾賴有死與生可齊

賢與愚

去婦詞

江東有一士子留都下三年適娶一貴人女為妻
久乃知其已有妻子矣一夕逃去因託去婦為之
詩非徒欲傳其事抑以示風戒云爾

輕合鮮義終苟容希禮遇遠結萬里昏多為才名
誤始與君結好不知君有婦有女嫁他人俱懷託
蓬莫青青墻下草生死墻下路娟娟道傍華零落
無處所女子失其身何以保貞素既乖百年意百
年誰能度對鏡空悲惜中心良難訴浮萍難為託

寺一

十七

一木無兩附棄舊屬新歡新歡漸成故寧當中路
析莫被他人去寧老阿母傷不受他人妬騰身出
房闈兩絕無復顧所願嫁他人甘心西山對

四友詩

四友者廣信王庭鈺良仲臨川李商弼良佐武昌
盧廷鷹子儀同里熊坦從正也李亡已七年餘亦
亡二三年余索居京師每夕夢寐與四友相接傷
其皆賢而無壽又與余為好迺作四友詩一以志
余哀一以樂見其平生云李得年二十二盧二十
九熊三十四王四十有九

三兄負奇偉十四已應門倉卒選閔凶盜賊蔽立

原衰經從伯父慷慨安其人豪橫劇狼狽瞋目莫

敢干降心相欵密共稱孺子賢時應州縣使調笑

官長尊酬接雖靡監講習日多聞激烈忠憤際委

曲禮法間時平俗益康放志農圃言有集曰浮湖

感龍變骨汎鼓蟲見龍見遂陟嶽思鳶鶩古笛振

哀鐵清琴般素絃每傷古人逝逆淚尊酒前與我

初識面已誓為弟昆誰謂天不仁中路遂離公稟

稟昂山阿黥黥硯井泉賔客一以散託夢與招寬

嘉木不叢生猶為造化欺繁霜凋其葉震風蕩其

枝利蟲螫其根飢禽啄其皮豈無雨露滋不得干

雲霓李氏年弱冠博通三氏詞援毫捷飛電吐氣

裂豹矯信如海上潮直若琴上瑟朗如九秋月温

比三春暉志在躋聖賢寧復顧亦私一悟生滅理

天地忽若遺君辛時一日晨興有數道人叩門謂

意有頃忽奄然逝父母聞以爲憂既殯道父母

曰某兄年幸多死生命也勿以為憂既殯道父母

撫其背曰佛法本無生滅遂卒契卯二月也墓將

人驚聲曰佛法本無生滅遂卒契卯二月也墓將

能與忽如羽不願回蚤聞道短折非所悲茫茫後

死者中夜獨連河

武昌故舊中盧生亦奇傑雄才傲當世高韻凌白日

貧賤有相知，富貴莫能折。冠蓋如雲霧，而獨與余
密。大德七年夏，予有長沙役，臨河與余分攜袂。父
鳴咽，知心託生死，誰能此離別。千里竟相從，風波
復炎熱。青天入杯酒，歌嘯中夜激。便欲乘滄溟，超
遙送華髮。行行亦云至，終當與君析。捨棹卽長途，
惆悵如求訣。謂余平生懷，時俗莫能達。學不追古
人，終不願有室。還聞起分教，小邑傷蕭瑟。始為賢
者衷，那知遽淪沒。樊山罷歡讌，赤壁空流月。佇立
想音形，音形一何闊。

親文日凋謝，况我情所鍾。熊子三十餘，亦在九原

寺一

九

中高才，祗促齡。積善適為凶，天道不可依。人命如
飛蓬，夢寐常相見。烟若生相從，亦知心不異。矧復
里閭同，始君掾韶學。我心實忡忡，歸來已三年。微
疾竟永終，薄祿不救飢。一官非高崇，獨令君子亡。
碧瓦冷秋風，鄰曲思愛絕。山川談咲空，名家失金
匱。樽檠入公宮，誰復繼粹溫。佞用想春容，千秋墮
山路。繚繞劍池東。

賦雙陸

三五對飛差，高呼得采時。猶疑雙出早，每恨獨歸
遲。散地偏難入，全功或誤奇。極知妨日力，聊足審

安危

泊安慶時再北游

夜泊淮西郡寒生客子衣酒家臨岸閒野燒映江
飛雲盡月初出潮平風漸微前年城下路此際正
南歸

漁父

夫前撒網如飛輪婦後搖橈青衣裙全家託命烟
波裏扁舟為屋鷗為隣生男已解安貧賤生女已
得供炊爨天生因畧作田園不教衣食看人面男
大還娶廩家女大還作廩家婦朝二骨肉在眼
前年二生計大江邊更願官中減征賦有錢沽酒
供醉眠雖無餘羨無不足何用世上千鍾祿

高郵城

高郵城二何長城上種麥城下種桑昔日鐵不如
今為耕種場但願千萬年盡四海外為封疆桑陰
陰麥芒二終古不用城與隍

齊州初度

辭家計日逢初度逢日暄風在帝京曉起慈親
望天北行人初泊濟州城

楊柳青詞

楊柳青青河水黃。河流兩岸葦籬長。河東女嫁河西郎。河西燒燭河東光。日日相迎葦檐下。朝朝相送葦籬傍。河邊病叟長回首。送兒北去還南走。昨日臨清賣葦回。今日販魚桃花口。連年水旱更無蠶。丁力夫徭百不堪。惟有河邊守墳墓。穀株高對曉相乘。

雜詩四首寄彭通復

日月麗中天。列宿爛昭昭。河漢高且深。烏鵲以為橋。寒霜昨夜降。時菊委嘉苗。地勢西北雄。終歲皆風颭。玄工宰萬物。時至有榮消。常恐光景馳。不得

與消搖

卷之一

七

區區九州內。橫從數千里。誰設山與河。愚者分表裏。京師天下本。萬國赴如水。珠犀從南來。狗馬由西止。浩浩荆吳船。日夜行不已。生材無定所。一物孰非己。皇天仁且廣。君道亦如此。我思古唐虞。當日誰共理。

巢由伏箕穎。園綺居商顏。洗耳甘自潔。茹芝竟不還。三傑足為理。五臣安可攀。高尚誠所貴。孔轡奚獨環。吾聞有隱淪。多在衡霍間。飯牛腹長飢。百結屨以寒。懷寶羞自獻。澌然老空山。


脉脉我所思
茲氏躡遐蹤
婉婉若處子
未曾出房櫳
相望四千里
踰年闕相從
五月君寄書
九月達京中
我書欲報君
君書到歲已
窮豈不懷
繼繼無由覲
君容叅差天
際雲縹緲
乘翔風羽翼
不吾施翩彼
南飛鴻君有
高世行我無
適特功天命
人得違出處
諒非同

栢堂詩

栢堂為劉母熊夫人作也夫人有淑德年二十五而寡守志不嫁有子曰觀又賢作堂以奉其母請名于太史氏謂之栢堂而作是頌

鬱彼北堂言樹其栢其栢巖巖維木之特栢之始生于彼高陵雨露其凝金石其貞栢之既成鳳臆鸞鷹言樹斯庭霜雪是憑雪霜浩浩其栢鳩鳩有美君子而弗偕老其葉藥藥其節桓桓其居安安永世式觀我堂既構我栢既茂天錫眉壽保艾爾後





揭曼碩詩集

二

揭傒頤詩集

卷之二

獻張平章

天應肇玄朔坤輿集 皇靈作蔡旣襟更南海淪
炎精圖書入天府將帥功業成寶玉被親懿茅土
列公卿庶類奮休祥羣賢基太平明公紹鴻烈文
采敵華聲出入三十年惕然心靡寧論兵體安危
攬轡思澄清矧屯股肱地夙夜在 王庭名高德
益難位隆責匪輕 聖心誠弘裕臣節美戰兢唐
虞登夔臯堯舜猶日升周召竭師保成康措王刑
昌明頤同濟援筆播芳馨

題祝道士龍虎山先天觀面

聞說先天觀重重絕壁環鳥啼青澗裏花落白雲
間樵子能長肅居人識大還洞門無處認唯有水
潺湲

二貞詩

關右有姬氏者父子皆蚤世姑趙婦張皆以年二
十五而寡守節不嫁作二貞詩

關右有姬氏父子蚤棄捐孀婦奉憲姑誓死各芳
年膏沐誰復理羅襦委篋聞羊苦事蠶綠祭祀亦



靡慙父母既莫奪媒妁徒空言鳧鴈安所施幣玉
視如烟寧與枯瘁沒不為歡樂存婉婉桃李花春
鳥何翩翩萬物各知時姑婦獨纍然

史館獨坐

地覺天逾近風高午尚寒
虛庭松子落欹檻菊花
乾撫卷俱千古憂時有萬端
寂寥麟父筆才薄欲
辭官

周待制致樂堂詩

有堂渠渠在番之區維周壽母式燕以娛渠渠有
在番之陽維周壽母式燕以康斯堂何有有蘭
有芷垂佩榮榮維周之子斯堂何有有蘭有孫垂
佩申申維周之孫曰烝曰嘗孔時且具維甘維旨
承于壽母母曰寧只福祿凝只升斯堂只我心平
只母曰嘉只福祿遐只升斯堂只我心和只

馬氏巖溪畝

何處幽巖下復有清溪瀉霧氣散長林湍聲落平
野石宜白鳥憩樹憩女猿把誰獨此安居居入云
姓馬

山水面

幽人無世事高卧謝浮名
山崦晴時出溪流盡處

行還聞有漁釣相問扣柴荆不歸門前路莓苔滿
地生

送道士薛玄卿歸江東

知君此去漸難招只在人間已廓窅市上有時逢
賣藥山頭何處覓吹簫仙巖華落溪流淌鬼谷雲
開對影遙未必故山安隱逸海天涼月夜蕭蕭

大明殿退朝和周待制

魏魏道德拱羲皇濟濟威儀陋漢光日射龍文宮
文扇風傳雞舌侍臣香中霄景氣浮雙闕下界韶
謠動八荒詞館小臣何以報皇圖聖壽與天長

寺二

祖生詩

浦城孝子身姓祖自憐性命如糞土生纔五歲遭
亂離有母更被官軍虜零丁二十八春秋母縱得
生何處求天地茫茫明月恨江山漠漠白雲愁忽
得母書驚母在看書未盡淚先流書云流落河南
縣河南躡遍無由見唐州境上忽相逢白髮蕭蕭
霜滿面誰知喜極情轉悲旁人更問初別時十生
萬死到今日始為母子東南歸東南迢遞關山路
入門猶記階前樹居人傳說盡相看雞黍提携竟
朝暮祖生母子真可憐少壯離別若大遷同時別

并披兵者幾人骨內能生全顏生母子長壽考四
海升平永相保

孤雌行為鄆城節婦作

有鳥有鳥雌雄相追哺雛未飽鳴且飛雛未長雄
乃死子亦隨朝朝暮暮唯孤雌長林廣野風日美
步步不敢離故棲燕雀搖颺差復池迴身側腦適
相欺誰憐孤雌心到死終不移更有許州鄆城徐
氏母一生抱恨守空閨

燕氏救兄詩

千金之子不死市楚人竟殺陶朱子生者可殺死
可生千金為重骨肉輕誰謂平陽有燕氏傾家乃
出而兄死第再有兄兄見第里閭驚嗟官吏喜鳴
呼安得天下之吏廉且循庶政如水無冤民

送華尊師以天壽節奉詔祀武當

靈時嚴漢祠神峰標楚甸羽人丹丘伯承詔馳
嘉薦華渚曜玉虹條風舞玄燕長淮雨中馮喬嶽
雲間獻涉旬塵埃吐梯空荅和顏授簡香始升揭
虔帝如眷天清翼軫動地肅玄武見飛響迥更聞
奇祥靜逾絢是中有真侶蚤接諸方援胼胝負畚
鍤鑿翠蓄雷電金芝產齋房喬雲冠巖殿祈禱無

歲年會節方紛衍既協時君降又樂明祀徧聖

歷齊堪興豐澤周寓縣還歸報天子獨往奚那

羨真侶謂張真人有道行

送馬雍古御史撫喻河西

我皇屬憂顧君子得安居孟春風且寒遺子以
脩途四牡何翩翩迴首睇神都我懷正紆鬱散函
忽已踰積雪被長鬣萎者何時蘇歸彼蓮花峰上
出浮雲灑白日皦以睇下視若玄壚煙塵起西北
原野無定株行者中顧懷居者念其廬黃河洶東
流乃自崐崙渠四海豈不曠切若肌與膚親賢遠

詩一

五

譏人古以致康娛君子誠多材乃用在馳驅秦隴
阻關塞歲月浩已徂翰躬盡明義足為世所模

送周山人之遼東

物變風已暄庭虛雪猶在每與君子違偏驚歲年
改名山先夢到靈藥隨方采明日望行人雲接隔
遼海

李宮人琵琶引

鄆縣亢主簿言有李宮人者善琵琶至元十九年
以良家子入宮得幸上比之昭君至大中入事
興聖宮比以是疾乃得賜歸侍母給內俸如故

元且乞詩於余遂作李宮人琵琶引其辭曰

茫茫青塚春風裏歲歲春風吹不起傳得琵琶馬上聲古今只有王與李李氏昔在至元中少小辭家來入宮一見

世皇稱藝絕珠歌翠舞忽如

空君王豈為紅顏惜自是衆人彈不得玉觴未

舉樂未停一曲便覺千金直廣寒殿裏月流輝太液池頭花發時舊曲半存猶解譜新聲萬變總相宜三十六年如一日長得君王賜顏色形容漸

改病相尋獨抱琵琶空歎息與聖宮中愛更深

承恩始得遂歸心時時尚被宮中召強理琵琶絃

上音琵琶轉調聲轉澁堂上慈親還佇立回看舊

賜滿床頭落花飛絮春風急

題上都崇真宮陳真人屋壁李學士所畫墨

竹芝筆作

玉京灑水上仙館白雲鄉虛壁數竿竹清風生滿堂微吟弄寒影靜坐佇幽香有客仍無事澹然方兩忘

集賢大學士趙國公王開府慶八十應制

昭代雍熙日詞林賦頌時紫宸丹詔出申第五

雲垂裕廟青宮裏王公玉樹枝朝趨帝綺

夕侍接龍夔際會真難及飛騰已在茲暴公初繡
斧方外更藩維霜簡驚風裁天官繡羽儀還迎代
邱入竟被漢文知位望濟三少權衡俯百司每蒙
天黼黻直許國著龜鳳猷廣寒殿龍舟太液池羽
觴春侍宴玉座夜觀碁德業前賢繼辭華後進推
高情踰廣受餘事擬微珪全趙山河富瀛洲日月
達九卿看綵服八袞表尾眉皇覽逢初度殊恩介
壽祺黃封中使出玉食尚饗移國老陳嘉慶李舞
公作
序羣工播盛辭禮非前代有施及老臣宜福祿何
人並忠貞百歲期 聖心誠念舊政用作臣規

陵陽牟景陽以名祖父之子孫負奇材勁氣
而與世抹撥自台州教授入掾翰林一語不
合竟棄去不顧以詩為別

奇璞剛之媒娥眉妬之具悄々君子心皇々百王
度高風集大木日夜如吼怒不畏披葉殘但恐本
根蠹曉登崇臺上天地一何臣白日光未吐羣星
爛無數僊人五雲車縹緲玉清路區々陰陽忠可
望那可遇忽聞金鑿密歲暮仍南去不得與之同
頽足毛髮豎

結羊腸詞

心月十六好風光京師女兒結羊腸焚香再拜禮
神昇剪紙九道尺許長燃成對縮雙、結心有所
祈口難說為輪為鐵恒苦多忽作羊腸心自別鄰
家女兒聞摠至未辨吉凶憂且畏須臾結罷起送
神滿座懽忻雜顛顛但顛年、逢此日兒結羊腸
神降吉

劉承旨父大司徒邢國公慶九十應制

聖主尊賢遂及親邢公盛事更無倫身躋九袞曠
方碧兒過耆年鬢未銀鳩杖乍須寧畏噎龍童游
拜欲忘身上公建土山河富光祿分壺雨露頻祈

水天清雲五色梁園花發月重輪錫宴梁氏園三宮寵

錫驚殊數四座稱觴半老臣瑞錦爛熳迎化日無

金條脫照芳春素烟并、晴熏上白雪冷、豔曲

新先世勲庸歸琬琰名家父子映浮紳三槐已驗

移居日五柳翻如寄傲人澗底桃花曾闕世枕中

鴻寶自願神詞臣欲繼莊生作才薄何堪論大椿

小孤山次韻

小孤山前一迴眺蒼然始識孤山面隔江疊嶂開

翠屏絕壁浮雲飄素練憶昔初蒙翰林聘艤棹探

奇不知倦澗蘿涉屐至絕頂目極神閑氣為憂不

江東匯彭蠡來晝夜崩騰奔海甸笳鼓遙聞日月
動帆檣忽度乾坤轉舟人不識造物奇但趣急跡
南風便蚤悟微官七載縛底用區區厭貧賤深窓
冷壁守編摩何異揚雄困雕篆重來勝地歲云暮
短景催人疾於箭天昏一火明山半石底猶疑有
雷電彭郎磯下寒浪湧坐客心說龍君傳人生可
喜還可憐世事堪違不堪懸明朝匡廬復入眼雖
有此境何由羨武城先生獨好事名山每恨遊難
遍城客子無一錢但當作詩乞如願

丁巳編脩

廬陵莖學士兄

廬謁告歸廬陵阿兄在九原歲暮豈違
寧兄昔事武皇海內希英聲意氣動人文
采何從橫時事一朝異長揖去躬耕令弟紹芳猷
策足在承明如何奄忽間南北隔死生方舟發京
國日落烟霧青萬感緣中來惕焉如有懲羈臣懸
魏闕一夕竟九升君子恩義重况此骨肉情深
不可忘悠々道路長山川日夕改我行殊未央稍
出燕冀都已涉齊魯疆高天圍四野悵望但茫茫
道傍多古墳墜城適相當荒草吹北風日夕下牛
羊不知何代人於此閱興亡自古既有死誰獨免

摧傷死者雖不同私懷詎能已塗路猶感傷况我
兄與弟世俗日衰謝常懼莫能起生者忽若遺誰
復哀其死念昔賢哲人一一去為鬼詩書捐篋笥
采：當路子揆藻厠明庭幸與君子同矧在弱冠
年已獲承其風家本聖門後孝友世所隆何意手
足親一別曠音容及我南歸日舟楫復相從
寒日高冥冥厲征鴻落帆滄江際渺然忽西東
力慎所託無為謬勞躬

寄題臨川西澗范氏寓居

澹塘：更西幽澗掄堪題流水花間住孤禽竹裏
啼石稜苔自合山徑樹相齊久客成真隱故園應
已迷

尋舍弟將至東牢宿野店

歲暮尋吾弟山行兩舍餘入雲攀磴道落日及村
墟茅店溪邊冷松林石上陳如逢武陵客風景未
應殊

贈王郎

王郎楚狂士意氣飛秋霜讀書一萬卷下筆數千
行富貴視浮雲况肯矜文章十五恥問里掉臂辭
故鄉夜宿東海月朝買西州航瞋目王公前結客

少年場一飲或一石一醉或一觴寧捐屠狗人不
與俗士當千金不易笑歲暮單衣裳阮籍存窮途
英聲連四方鸞鷁有時鍛反愧燕雀翔世無劇孟
交不及青樓倡燕趙如花人翠袂黃金璫不識豪
俊士空媚癡與狂王郎遠過我坐我拈藜床終夕
無酒飲撫髀歌慨慷平明別我去極目空茫茫

沈逸人東觀招飲山館

野館青山下晴軒積雨餘招尋蒙遠客寂寞愧閒
居空翠沾盃冷殘雲度谷虛從茲結朋好隨處問
何如

畫鴨

春草細還生春雛養漸成茸茸毛色起應解自呼
名

題聶元公詩

開軒南山下日對南山云青松俯前楹秋菊被中
園翳翳脩竹森清泉結其間歲晏農務息銜盃舉
餘閒時從隣曲游共搗稼穡難達人貴知已俗士
多所牽以茲謝簪綬委心此南軒刈植既敷榮佳
興日以繁讀書數見子餘事焉足言

送余孟章訪舊武昌入京

垂雲厲驚風萬重摩高圓蟠星豈巨良豈頤九重
淵毛生入楚庭頽脫俄碩間粲徐公子長驚起
丘樊朝辭豫章臺暮匡廬山大帆割鸞鷁極目
空波瀾黃鵠錦祀仙吟久笙紫霞端相頤一咲粲青
春滿南天黃金築高臺更覺郭隗賢瞻翮樂劇董
相逐入幽燕平月九門吟佩喻五千豈無一字
薦傾倒平生言東風水華開待我薊門前

歸舟

汀洲春草徧風雨獨歸時
人船中流下青山兩岸
移鴉啼木郎廟人祭水神祠
波浪爭掀舞艱難久
自知

小孤山曉發和蔡思敬韻

日落霞明錦浪翻
匡傾石峭白雲間
乾坤上下雄孤柱
吳蜀東南壯此閑
神物疫移風動地
仙舟曉度月灣山
回瞻絕頂登臨處
空翠冥濛杳靄間

大信晚泊呈舟中諸公

千家楊柳江當門
東梁西梁兩岸躡
連櫂大艦集日昏
披金伐鼓海上聞
小江更出采石後
前人立功後人守
大信花采石酒陌上
相逢莫迴首

白楊河看月

白楊河上看明月昔人曾見今人別茅屋數家河
上村池作三小白銀闕波平風靜掉歌來萬頃冲
融鏡面開今夜江南憶遊子空瞻雲漢上昭回茫
茫萬里燕齊路北斗從橫秦階曙黃河東逝月西
流明日南風逼洪去

歌風臺和李提舉韻

萬乘東歸火德開漢皇曾此宴高臺沛中父老謳
歌入海內英雄倒載回湯沐空餘濟泗在風雲猶
似翠華來穹幄立斷蒼烟上靜闕人間幾劫灰

題叢陵獨釣圖

何事玄纒入里閭羊裘韜脫就安車空令太史驚
同養猶把狂奴視報書一出聊為天子重諸公豈
道故人疎朝廷自是中興士且放桐江著老魚

題鼯鼠食瓜圖

種瓜中國予亦勤止瓜長而實汝則殘止雖則殘
止予敢汝仇天實汝生子將何仇汝食之甘既肆
既閑實之食矣無傷子根根存而微惟子之窮根
盛而實惟乃之功

尖信州僊源觀徐尊師乃玄教大宗師張開
府之弟子也

玄霧掛羅世都遺葛屨蕉衫太古姿天上真人開
府日山中僊子閑門時空林兩過金芝老深谷雲
寒白鶴飢萬里馳書為求別盧敖何處定相期
送蔡思敬還豫章有懷遼陽李搜舉

采日能同去不同獨携別恨向秋風眼看亂葉渾
無定心與浮雲併一空黃獨山中歸自斲玉梅溪
上夢先通莫嗤留滯京華者更有遼陽送斷鴻

孔林面詩

集賢待制周侯能脩禮于孔林侍讀學士商公面
之史官揭傒斯詩之

十四

歲嶷尼山蔽于魯邦薦生聖人維民之綱尼山之
下有洙有泗有蔚孔林在泗之涘維彼聖人教之
誘之凡厥有民則而倣之維彼聖人覆之載之凡
厥有民敬而愛之既誦其言亦被其服孰秣其馬
于林之側既誦其言亦履其武孰秣其馬于林之
下六轡既同周侯之東薦之侑之聖人之宮其音
洋洋其趨踳踳其臨皇皇聖人允臧商氏面之去
昭其敬載瞻載思因不由聖

壽櫟山詩一首為吳真人坐朝作壽櫟山其

里山名

峩峩壽樂山，瀕洞雲錦溪。百里空翠合，諸峰南斗
齊。卧斲月窟桂，坐聽搏桑鷄。臨深測地軸，升高徑
天倪。陰厓覆瓿葉，陽岡敷紫萸。縣泉聒空響，飛討
凌風嘶。側畏猿鳥墮，幽恐漁人迷。茲山不自高，與
人作丹梯。赤松棲其東，王喬憇其西。浮丘前捧擁，
安期後提携。携神君，領天官。出入黃金闥，梅花照羽
袂。天書函紫泥，歸期指松櫟。千歲猶未稽，衿和養
靈源。伏智婦荒蹊，木公與金母大咲。彭鏗低。

壽王副樞

七袞懸車兩府稀，五朝遺老百僚師。寒梅看足行

詩

十五

陰處舊史評來坐，歎時身退已將心。共遠名高轉
覺世堪遺，且陪嘉客露春酒。政待武公歌，抑詩。

李將軍歌一首送李天民赴邵武軍口巡檢

李將軍材且武，儒冠換得兜鍪去。身疑南極老人
星，氣食陰山雪毛虎。雕弧白馬金僕姑，天地昂々
此丈夫。五十方為求盜使，人生何用苦詩書。寄言
邵武諸官長，不是尋常一腐儒。時中書以吏部儒
得調者奏以爲闕，嚴詳道地檢就多林其
人而天民武備是漢老人星，其常自前

題桃源圖

江左龍虎山，南十里。有桃源者，劉王二尊師所嘗

也臨江范亨父為之記余為賦五言詩十七韻

桃源非一處龍虎畫難同內外關踰鐵高低石作

叢黃繡青銅北紫蓋白雲東瞻影萬霄迴蛾眉抱

月弓

八峯名

千重藏曲折四面巖虛空地戶吟風黑

天池浴日紅雪霜翻濺瀑雷雨瀉崩洪暗識猿啼

遠晴聞鳥語工危龕三井秘絕澗九橋通江合仙

叢怒山連鬼谷雄劉王開闢後秦晉有無中時見

看桃侶類逢採藥翁丹臺寒漠漠琳宇氣熊々濟

勝非無具緣源恐莫窮烟霞俄變滅草樹杳龍葱

四序何勞誌羣愚倘擊蒙誰言武陵近十里上清

宮

送人歸豫章

積雨霽但夏故人今日歸手持毛生檄身著萊公
衣玉樹挂秋月丹萸揚晚暉東湖徐孺子應恠久
相違

送王留守宜慰荊湖

舟楫連檣出薊丘弓刀千騎入荊州歌翻郢雪寒
暄變息逐岷波日夜流雲雨腹連神女宅山川晴
繞仲宣樓豈無賢士堪招隱應向鹿門深處求

顏張導師畫

晨登翠微天氣穆清白雲灑谷飛露垂纓抓後遠
響衆鳥嚶鳴牽蘿沙澗穿石度陸半巖華氣瀉怒
松聲神宮漠漠靈戶熒熒投陰迹影叫寂求響弄
髮老人咲而相迎弗問弗承悟彼長生玄玉流液
瑤草結英浩浩犇泉出與川平宛彼下人望我巖
扃

送播州楊宣慰歸藩

祇奉 綸言出夜郎恭陳壤奠入明光嘉名 宣
賜黃麾外大宴恩陪 玉座倚天仗影移低日月
宮懸聲動下鸞皇三呼拜舞 君王德未共藩臣
守四方
雙旌遙指洞庭苗十垂聯翩度五溪龍虎親軍兼
使節犬狼諸獠入封提光昭廟祐恩波遠風動藩
維禮秩濟北望五雲高魏闕亦知憂頽在黔黎

寄顯括蒼王氏東野二亭

畊雨

時雨布嘉澤羣物盡欣豫晨興僮僕東野侵
務鵠鴈應候鳴鶴黃翔高樹衆草萋以出涿潦被
行路甯勉勤微躬寧復當世慮羨農不我侍沮溺
諧所慕食力隨齊民常恐負空素眷言徇茲道卒

此年歲莫

心遠

窮居豈余志，無營得長閒。
翳翳三畝宅，頌樂彼南山。
澗水何蒼蒼，雲鳥相往還。
已絕嬰世念，以接仁里歡。
但願黍稌登春酒，恒慰顏羲和緩其轡。
萬物悠然安。

寒夜作

疎星凍霜空，流月濕林薄。
虛館人不眠，時聞一葉落。

送唐尊師祠武當

卷之二

十八

龍衣分香下，絳霄羽衣承。
詔出清朝，星臨翼軫南。
垂闕神降，虛危北極遙。
金殿墜雲開，紫氣玉臺和。
月合笙簫，蕃釐更爲吾皇祝。
下國時豐，雨露饒。

送唐尊師歸廬山

香爐峰色紫生烟，一入京華路杳然。
雲碓秋閒春藥水，兩犁春圃種芝田。
書憑海鶴來時寄，劍自潭蛟去後懸。
忽報歸期驚倦客，獨淹微祿負中年。

贈淳真子

蕩蕩白玉京，超超淳真子。
十一求神仙，服事丘

李嵩洛二十載結茅白雲裏
食是賜谷霞飲是云池水
鬼神莫能識百念吹不起
一朝忽騰化徑去不可遮
飛西服五龍角中搖三花
朝發扶桑闕暮宿河漢槎
朝食千歲桃暮食五色瓜
長揖青牛君高歌渡流沙
還憇金陵邸調笑許史家
日食五侯鯖安得厭胡麻
春風長安陌落日邯鄲道
迎人上青天送人入秋草
竦身八極外天地忽亦老
寄謝匪中人全真以為寶

孤松篇壽王大學士

大地凍欲裂孤松高穆清
橫睨泰華嵩俯察蓬萊與

四十一

十九

瀛天風四浩蕩身與元氣并
根深本自固霜雪空崢嶸
白晝甘露降半夜朝陽升
飛枝蔭扶桑勁氣摩攬槍
羣鳳所託命百鳥徒朝鳴
冥冥廣寒宮丹桂亦虛生
八萬四千人何時月常盈
維此天一柱千歲所養成
自非堯舜君工垂焉敢徵
漢武作建章千門照西京
榆村當此時餘柯了棟楹
天地既有此未必終無情
蒼蒼歲寒心求世仰堅貞

過何得之先生故居五首

可憐古井門外依舊鐘樓屋
西何處高陰痛飲黃

華翠竹都迷

先生有詩云一井當門噴寒光照四隣
我住東齋北鐘樓在屋西

心事巢由以上文章陶阮之間千古高墳保下白雲明月青山

軋軋機聲日莫依依楊柳春柔鄰下中郎小女曾

聽唱我高郵先生常喜余高郵城詩相見即呼高郵城來每相對酒酣則朗誦數過

頭上烏紗分贈篋中縞楮相醅不道別時長別誰

知愁是真愁延祐五年冬十月余南歸以巾幘一

然也且手書其三代名

屋上青天未老門前白日常新他日登變稷南安

知不是斯人

送譚仲章歸長沙

詩二

二十

君家雲陽下忽向雲陽歸行路有南北看山無是非
三湘迴鴈盡孤劍白虹飛亦欲投簪去從君采

薇

我我亭詩

殷仲堪蒼桓溫曰我與我周旋久寧作我宜春黃
元瑜取以名其亭曰我我為賦詩一首

我游于袁于龍之干有闢閑閑有環言言有構桓
桓維集之安我居我處我笑我語有異其所而敢

子侮我植孔嘉我憐孔華曾莫之迎而莫我多
馳者子亦孔勞矣既我觀矣亦莫我迷矣嗟哉氏

之七猶弗桓是友我不我友將誰
送答温温其辭
冽冽其清藹藹芳芳煥煥其明
古之人尚或
干起

送鄭司獄歸灑州却赴調京師

壯年執戟事明君一日上書天下聞
不恨棲遲百
僚底猶堪激烈萬人羣
爛柯山遠處孤棹析木天
清望五雲盡說于公陰德掉頭相別大江濱

題山水

野艇未無數山槁
凌有三寒雲依古寺落木帶羸
驂迴首重重變幽亭
竄雲堪平生雙眼力江北復

江南

題御馬番

朱纓金絡轡黃帕錦鞍韉
神閑意更逸初下赤墀
前

題山暉番為劉尊師作

陵岑毓神秀草木咸光晶
每覽靈景異變態如有
情閃掩乍如羃飄浮忽相縈
熊熊轉空曲奕奕連
增成中有幽人居燕坐朝玉京
窮陰亦朝徹無月
恒夜明碧桃千歲花金芝四時榮
猶疑地愛寶隨
物弄華英

題臨江同知閻流民事蹟

江北流民七十口三十餘年在江表朋山結惡四
百餘白刃差差厯村保崩騰所向如投空白晝攫
金都市中頃由南昌入豐邑反賂守者為先容長
官坐堂寇入室妻子莫逃况金帛豈無鄉民敢相
敵長官一揮翻辟易臨江貳守廉且武手縛其渠
散其伍豈惟鄉民得按堵鄰境聞之皆鼓舞其渠
在獄伍四歸大府上切民俗熙乃知一念敬廉職
萬事至難皆可為人民社稷我亦有安得坐視如
雞狗人在雞狗猶愛之民社豈在雞狗後請君看

取臨江守

寄題朱氏真村堂

深居魏亭北悃悞自無華風俗似太古生涯如小
家飲醇猶恐過衣帛尚疑舊相與鄰人異詩書有
三車

送人從軍

妙年好文仍好武一日壯軍氣如虎擊弓已作滿
月圓枝劔更逐迴風舞怒氣四起旆旆愁蒼山偃
蹇黃雲浮陣前手繫降王頸馬上仍懸猛將頭
誓義大身命小順天將軍古來少一戰功成六台

揭曼碩詩卷之三

門生前進士虞理溥化校錄

題明皇出遊圖應制

明皇八駿爭馳道，還是開元是天寶。
長安花發萬年枝，不識韶華醉中老。
奎章閣下文書靜，冕旒端拱唐虞聖。
此圖莫作等閑看，萬古君王作金鏡。

畫鷹

文梁五色條，秋高意氣豪。
怒張兩目直，霄漢豈與短翻翔。
蓬蒿妖狐畫作猛，虎嗥騶虞并與神。
麟逃嗟尔飽食心，空勞

題張使君棄官學道詩卷

至元天子朝萬國，任丘使君謝病歸。
門前未罷車馬客，身上已著朝真衣。
致君堯舜在豪傑，洗耳巢由何是非。
棲雲觀裏青松樹，唯有白雲終日飛。

登祝融峯贈星上人

洞庭南柱嶺，北衡山連延。
瀟岸黑中有祝融，如結鬢嵯峨七十二。
峯間祝融不自知，千山萬山自迴環。
迴環面面芙蓉起，祝融正在芙蓉裏。
儼如天仙朝紫皇，千官百辟遙相望。
半夜每瞻東海日，六月常飛蒲樹霜。
龍拏鳳攬熊虎躑，雲山霧滅何時

我來正值太平時，時有山僧似疇昔。憑闌一覽四
海空，草間培塿安足雄。盤_レ羅漢，臺_レ翕_レ炎帝宮。
復恐九天上，視我猶井中。朔風日夜相騰蹙，谷老
崖堅松栢禿。古耒銖瓦盡，飄揚山上至今猶。版屋
山僧勸我歌，我歌徒自傷。天下五岳嵩中央，此山
與我俱南疆。我今三十始一見，北望中原天更長。

送何太虛南歸

窮秋_未到深冬，別_未已俄然去。忽然學士已分脩，
史祿道人特送賣舟錢。單車欲發無三日，幾處同
行可百年。積雪堅冰愁客路，徐州城下便通船。

憶昨四首

天曆年中秘閣開，長經新拜育羣材。宮門待漏常
先到，講席收書每後回。召試時蒙天語勞，分題不
待待臣催。蒲頭白雪丹心在，太液池邊只獨來。
宮草葱茸禁樹齊，日趨延顥對凝暉。朝迎步辇花
間立，暮送回鑿柳下歸。碧殿東浮蒼嶽合，金河北
引玉泉肥。幾廻弘慶門前路，春氣濛_レ欲濕衣。
已已羣儒映璧奎，端陽侍燕宝葱西。線分學士親
臣送，詩賜皇姑御手題。注酒含春瑤露重，承塵轉
午錦雲低。日斜共出西門道，既醉猶能散馬蹄。

奎章分署隔窓紗不斷香風別殿花留守日頒中
賜果宣徽月送上供茶諸生講罷仍番直學士吟
成每自誇五載光陰如過客九疑無處望重華

題李安中白翎雀

白翎雀白翎雀每見灤河河上飛平生未識百禽
性不敢籠向江南歸

寄題胡氏園趣亭

日與世情遠學人聊治生畦蔬多品類樹果各生
成野老過偏數山禽近不驚詩書吾所好農圃也
須明

題文瑞圖

常德之龍陽居多蜀士祠事梓潼君甚嚴祠前有
池曰景星咸淳癸酉蓮兩葉並蒂者六劉初登進
士第延祐甲寅兩花並蒂孫以忠登第天曆己巳
華如甲寅城東三雅湖蓮復三華並蒂海魯丁獲
獨步丁馮天澤聯貢而獲獨步丁登第好事者馮
以為圖邀余賦詩

蓮華復蓮葉並蒂更連莖並葉已不見三花兩花
更有情如何與人作嘉瑞偏向龍陽水底生龍陽
家事梓潼君華華葉葉梓潼神好在龍陽士汝但

讀書更績文為華為葉汝莫論

題南頓孔氏復明詩卷

失明非有故復明還自然方其失明時萬事俱棄
捐外雖無所睹內則常淵淵如未嘗有目不喜亦
不憐如明入地中明未嘗不全道遙天地內如在
天地先不助亦不忘一氣自周旋不敢計此生敢
計時序遷剝乃復之始自坤還至乾忽如浮雲散
還我蒼蒼天昔非果失之今亦固有焉如何孔氏
家母子仁且賢先後俱失明其復皆十年十者數
之終如月晦必圓養之苟有道何疾非所痊頃
永保之母或忽此篇

詩三

四

奉同柯博士甘內掾下直賦

暮出閭闔門解鞍坐前庭冷冷草露白華月隔林
生蟋蟀奮哀響鴻鴈流遺聲常恐芳景晏不知寒
節并萬物肅將斂孤懷徒自盈投袂敷長謠淒泊
諒難徵

賦得海上雲送良上人歸徑山

蕩蕩無邊涯悠悠何所之孤飛若有意羣往更無
疑稍拂搏蕪樹還經若木枝迎陽成五色乘陰忽
四垂作態離仍合多情去卻追因風過別島和月

下蓬池且任從龍去寧知到岸時惟應學空者滄
泊與相期

吳子高悼亡婦岳陽

都門落葉滿遊子去京畿忍聽離鷺操遙逐秋鴻
飛愁霜曉入鏡淚雨夕沾衣烟樹黃河嘶風帆采
石磯平沙迴渺灣寒宇曉熹微客心閒轉切鄉書
近却稀夢闌光女泣行將童僕依竊慕漆園放詭
云潘岳非乘濤慣不險迴江望若圍武昌未易到
更向岳陽歸

秋夜作

詩三

子

露下氣逾肅月高寒欲流落葉階前樹疎鐘
樓衰年對急景歸心臨莫秋當世非無意才薄徒
淹留

進士張于高得邛州判官歸成都

邛竹山前負弩迎去年曾是一書生天定劍閣猶
車馬雪滿繩橋正甲兵即恐徵求民力竭莫將憂
患客心并六千餘里關河路不盡深期遠別情

題陶淵明歸興詩

家貧無酒飲聊欲試弦歌去家百餘里邈若異山
河江上日多風浩浩水增波門前五柳樹攢蔭空

婆婆林田已收成歸計當如何

○寄題傅尊師兄弟所作寧壽道院

鍾磬之小千萬峰。琵琶塵湖相疊重。兩翁入谷起
臺殿。半夜空山聞鼓鍾。猛虎時逢澗邊石。飛龍却
是雲間松。黃庭書罷人難見。鴻寶披殘手自封。度
壑采芝隨鹿跡。登厓望日躡雲蹤。已知塵世惟堪
笑。不是神人定少逢。辟穀有方秘更美。圍碁無地
楸相容。但餘一念封人祝。未與人間萬事慵。

二月朔白雲中題歐陽少監所藏宋好古畫

竹

卷三

竹

晨朝下延閣。貽我翠琅玕。微霜著節勁。細雪

寒。散枝偏稱遠。登葉更宜攢。孤石覆逾潤。橫坡晴
不乾。况茲春雪裏。相對五雲端。誤當裁汗簡。誰擬
截漁竿。惟應湘浦上。歸共幽人觀。

○雲錦溪棹歌七首

雲錦溪中雲錦鮮。好在高秋八月天。西蜀錦江那
得似。西湖綠水更須憐。

纔過浮石是藍溪。溪上青山高復低。山中泉是溪
中水。尋源直到華山西。

藍溪深去到藍洲。水底巉巖石不流。迴望朱宮雲

霧裏白雲深處更高樓

宮前梨浦白茫茫岸上人家不似牆能到此中還
有幾行人莫厭棹歌長

揚金橋望玉真臺臺下橋頭人往來崇仁宮裏看
花去安仁縣裏賣薪回

挹仙亭下薛公橋紛紛抵暮更連朝唯有橋西楊
與柳無情長繫木蘭橈

溪上層層雲錦山垂楊盡處是龍灘不是孤舟來
逆上何人知道世途艱

御書雪林二字賜趙中丞應制

詩三

七

聖主揮毫臨秘閣親臣執法坐崇臺祥雲五色從
天下彩鳳雙飛暎日來政欲清如林上雪已聞聲
舊地中雷君臣千載明良會咫尺微垣接上台

題胡虔汲水蕃部圖應制

沙磧茫茫塞草平沙泉下馬滿囊盛曾於王會圖
中見真向天山雪外行聖德只今包宇宙邊庭
隨處樂農耕生綃半幅唐筆留與君王駐遠

情

題辛澄蓮華觀音像應制

至人不可測晏坐青蓮華珠纓被玉體白毫貫彩

霞從何得此相來置玉皇家

杜節婦詩

結髮事夫子長言兩相期
語晏方婉孌生死遽分離
室中無長子堂上無老姑
生計日蕭條誰分心不渝
良馬不亂群仁鳥不亂行
昔者為夫婦今恐遂相忘
生為董家女死作杜家婦
安能若流水東流復西注
春秋陳時祀蘋藻宿所共
一朝祭無主焉得不忡忡
灼灼庭中花落落俱為寶
賤妾在空閨志願從此畢

題內府畫四首應制

韓滉土星像

五行土居中百獸牛有功
土行降為神騎牛髮翁翁
翁有土復有牛惟神賜年
豐誰知韓滉意政與皇心同

曹將軍下槽馬圖

曹霸畫馬真是馬宛頸相
摩槽櫪下卓犖權奇果如此
豈有世上無知者朱絲不是
凡馬韁天閑十二皆龍驤
曾從天子平四方畫圖仿佛
餘驪黃華山之陽春草長

韓幹馬

韓幹畫出曹將軍，幹惟畫肉猶逼真。昂藏四顧欲
飛去，交吳安知馬有神。想當此馬未畫時，朝刷吳
越，莫燕秦。頓轡長鳴，風動地不數驂。騶與騏驎當
時用，舍那知許粉墨蕭條尚雄武。千金駿骨何足
論，萬世長留群王府。

宋徽宗成平殿曲宴蔡京圖御畫壁記

東京諸蔡滿周行，延福成平樂未央。千畝松篁籠
玉殿，九霄風露濕霓裳。君臣契合同堯舜，禮樂先
華邁漢唐。明日圖成，仍作記千秋，留與監興亡。

送秘書李道濟赴陝州幕

詩三

九

蓬萊道山芸閣裏，赤甲白鹽蓮幕中。十載同朝君
獨去，三年佐政我難同。大河水滿中宵雨，鉅野樹
涼清曉風。夷陵江頭幾日到，迎親應先南飛鴻。

奉送全平章赴江西

聖主思南土，明公起集賢。直期凋瘵後，共致太平
年。金虎分符重，文龍賜服鮮。權綱兼將相，標格近
神仙。天地三江外，星辰北極邊。丹心齊出處，素志
在陶甄。請述江南事，都非大德前。但徼扶弱美，竟述
坐抑強偏。無復同憂樂，徒令舞智權。疇疇吹渤澥，
暗室伏戈鋌。貪述競明相訓，忠良默自憐。民心隨日

壞世態與時遷況復兵饑接仍聞疫癘纏誅求殊
未已蠹賊轉相挺若擬寬憂顧先須解倒縣久飢
寧擇食多病但求痊一語堪慙勸微機足轉旋已
知平似水更道直于弦遙想聞公至渾如望歲然
九重天上別百丈霧中牽日月明金節山河入畫
船四方初息馬五月正鳴蟬豐樂田多黍生香灤
有蓮岱宗標魯地廬嶽壑湖天水恠收崩浪山靈
埽瘴烟歡呼麟鳳出踴躍吏民先笳鼓趨雄鎮旌
旗覆廣川下車和氣應袖手頌聲延膏雨侵淮甸
仁風扇海壖忠貞真世篤調燮有家傳赤子皆同
體蒼生且息肩龔黃須警策方召在蕃宣

詩三

十

題青山白雲圖

蕭寥青山曉迢遞白雲生衆樹春已暗高原人未
畊方思省桃去復擬采苓行深谷無機事白髮枕
松聲

桃花鸚鵡

嶺外經年別花前得意飛客來呼每慣主愛食偏
肥才子憐紅蕾佳人學綠衣狸奴亦可怕莫自戀
芳菲

趙孝子

廬陵趙孝子四歲父行賈一去三十年家惟大母
母大母已云沒而父行不歸兒長亦有婦母子聊
相依從父自北來汝父久已死母子哭且問父死
何鄉里聞汝父死時不知汝父處汝但欲往問京
師多舊故再拜別阿母行行至京師自念不見父
兒死無歸時乃有曾老者往昔與父善言汝父死
處濱州利津縣徒跣二十里薄言至利津朱琪張
文輩一一陳所因死以某年月葬以某木棺姓名
某所題近在城南端城南冢纍纍翳然榛莽中極
目千萬冢誰能識其蹤行哭七日餘欲死不得所

生者無由知死者豈能語解髮繫馬鞍負之墳墳
過吾倘父有知髮解鞍自墮俄至一墳前鞍墮髮
自解開墳見前和題字宛猶在既見父姓名痛絕
心始安函骨陳野祭禽鳥聲為酸鄰老四面來驚
歎未曾有相率報縣官縣官駭之久即日上大府
大府咸異之次第聞中朝行子正南馳行子行且
傷哭踊如初喪路遙山川阻何時至故鄉故鄉既
云至葬祭無違禮母子永不離萬事若流水聞者
盡稱孝見者皆感泣期爾百世昌望爾百祿集兒
今無一願願母長不老歲歲父墳前酒飯墳上草

入秦淮和曾編脩

秦淮江上送飛鴻
秦淮水流西復東
六朝人物已寂寞
萬古雲山空
疊重明日還
沽采石酒
昨朝聽廣陵
鐘人生不似
寒潮水去去
來來有定蹤

送陵陽蕭教授赴瀏陽

青草茫茫接洞庭
瀏陽江上好談經
遙瞻紫蓋為南嶽
仰見長沙是壽星
日晏投書招楚客
夜闌鼓瑟感湘靈
下簾高坐金錢滿
贖買鹽梅寄在廷

賦得春雁送張郎中省親揚州

東風吹歸雁
離離翔天側
朝發衡陽浦
夕過陰山

詩三

十二

嶺嘹唳浮雲中
萬里才一息
春言思親者相望有南北

送聶太祝赴潮州錄寧聶天曆潛邱舊人

三載從容禮樂間
仙曹新拜度梅關
春風忍過全陵道
夜月重經黃木灣
盜賊數州相應起
甲兵諸道幾時還
憑君細講安民策
莫遣邊防一日閑

題俞氏看雨軒

慘澹來何處
崩騰忽滿城
遙連四山黑
近灑半江明
可愛花間濕
偏宜竹上聲
中宵未可住
高枕寄餘情

題江道士清虛館

遺紛極玄覽宴坐白玉京日月朗朝夕河漢流無
聲冉冉兩玉童雙吹紫鸞笙下視九州浮以四
瀛萬劫猶一瞬逍遙樂泰清

賦得吳歌送人歸吳中

三月酒如澗高堂絲竹停繡筵雙鳳影珠箔亂鶯
聲疊應紅牙拍辭傳金縷名綵雲低不度芳塵暗
自驚花發長洲苑日照闔閭城且奉千金壽寧忘
萬里情

己卯七月二十有七日補寫訖

葦園傅增湘識



揭曼碩詩卷之三

曼碩詩集以元至元本為最古然徧檢諸家藏目
皆屬舊鈔如錢氏讀書敏求記張氏愛日精廬所
藏皆從元刻傳錄者張芟川家所藏則從元刻校勘
者惟葉文莊水東日記言其家有元時坊刻三卷本
意即此本耳昔於南中見芟川家明寫本有孝此恪
黃廷鑑季錫疇諸人手跋相與歎賞認為稀秘則
元刻之罕觀益可知矣甲子歲余游廬市偶獲此
本半葉十行二十九字黑口四周雙闌字體婉秀有
松雪意間有補板則殊為拙滯題門生前進士燧又
理溥化校錄目錄前有至元庚辰季春日新堂印
行一行諸家題識以為在日後者皆誤也惜卷三未
缺失七番適余有景元鈔本遂手寫完之自元代
至元庚辰至今歲己卯凡歷三朝十周甲子正六百
年而余以垂暮之齡幸目力未衰得弄其柔翰以
奏媯皇煉石之功斯亦有數存耶後之得吾書者
鑒此炳燭之明差免抱殘之憾勤之護守俾毋壞
失則余之露鈔雪簷庶不為徒勞也乎

歲在己卯中秋節汪安傳增湘識



圖書在版編目(CIP)數據

揭曼頌詩集/[元]揭傒斯撰.—北京:北京圖書館出版社,2005.10

(中華再造善本)

ISBN 7-5013-2871-4

I. 揭… II. 揭… III. 古典詩歌—作品集—中國—古代 IV. I222.747

中國版本圖書館CIP數據核字(2005)第074882號

ISBN 7-5013-2871-4



9 787501 328710 >

書名 揭曼頌詩集(全二冊)
著者 [元]揭傒斯 撰

出版 北京圖書館出版社(100034北京西城區文津街七號)

發行 北京圖書館出版社(100034北京西城區文津街七號)

E-mail: Bfshxb@nlc.gov.cn

Website: www.nlcpress.com

印刷 金壇市古籍印刷廠

開本 八


印張 一七·五

版次 二〇〇五年十月第一版第一次印刷

印數 一—二〇〇

書號 ISBN 7-5013-2871-4/K·1122

定價 五六·〇〇



清不用黃金印如斗

題淵明歸去來高

清江皮使君治南恩有惠政一日自免去而歸老
焉廬陵王實初賞其高節以淵明歸去來高求中
朝學士大夫賦詩選以為壽僕用其意賦五言一
首

吏事久見牽山澤曠游盤茲辰理還俗乃得從所
歡悠悠川塗迥忽已造郊園風景一不異鄰曲皆
奮觀童稚識人情奔走向我前荒草雖誕漫松菊
了不干瞻焉循初服常恐負昔言入室多美酒步

庭嘉樹繁曠然心神舒誰謂世路艱出處各有道
既倦當知還方春農事興念之每忘餐貴賤豈不
殊樂以農圃安堯舜垂衣裳巢許箕穎間莫祖除
暴秦黃綺在商顛彼皆賢達士今古胡不然求與
簪組辭婆娑養餘年昔聞陶彭澤今見皮南恩
歲仰高軌效圖良足歎